

„სოფლად სახლის“ პროექტი შიდა ქართლში

05 მაისი 2017

საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა მინისტრმა სოზარ სუბარმა და შიდა ქართლის გუბერნატორმა კახა სამხარაძემ გორის მუნიციპალიტეტის სოფლებში დევნილი ოჯახებისთვის შესყიდული სახლები მოინახულეს. სამინისტრომ შიდა ქართლის რეგიონში კერძო სახლი, საკარმიდამო მიწის ნაკვეთით, **86** დევნილ ოჯახს შეუსყიდა. დევნილთა და განსახლების მინისტრმა სოზარ სუბარმა გორის რაიონის სოფლებში ხიდისთავსა და მეჯვრისხევში დევნილ ოჯახებს სახლი ჩაუტანა. მიუხედავად იმისა, რომ მეჯვრისხევი ე.წ საზღვართან მდებარეობს, მოდებაცემის ოჯახმა ამ სოფელში ცხოვრება საკუთარი სურვილით აირჩია. „სოფლად სახლის“ პროექტის ფარგლებში, დევნილი ოჯახი თავად არჩევს კერძო სახლს საქართველოს ნებისმიერ რეგიონში. სახლებს თან ახლავს მიწის ნაკვეთები, რაც დევნილი ოჯახებისთვის შემოსავლის დამატებით წყაროს წარმოადგენს. **2013** წლიდან დღემდე, დევნილთა და განსახლების სამინისტრომ, საქართველოს მასშტაბით, სახლი უკვე **1 500**-ზე მეტ ოჯახს შეუსყიდა.